



*Djuda informa Kumison di Saúdi Públiku di Boston y Sidade di Boston y prusesu di planiamentu sobri stratéjias rilasionadu ku diklarason di Prizidenti di Kâmara Martin Walsh sobri rasismu komu un krizi di saúdi públiku.*

### **Sumariu di rasismu komu un krizi di saúdi públiku.**

Rasismu é un amiasa pa nos saúdi y siguransa públiku. É ta afeta asesu di kes rikursus ki ta promove saúdi, sima bon enpregu y abitason saudável, y alimentason saudável y asesível. Stresi króniku tanbe ten ifeitus na saúdi. Spiriénsia di rasismu - ser siguidu dentro lojas, ser kestionadu sobri bu direitu di sta nun lugar ô interason asustador ku aplikason di lei, tudu kel-li pode rizulta na stresi króniku y saúdi más prikáriu.

Maioria rizidentis di Boston é pesoas di kor, y Boston ta kontinua segregadu rasialmenti. Izisti disparidadis pirsistenti na rizultadu di saúdi pa Bostonianus ke Prétus y Latinus, en konparason ku Bostonianus brankus pa txeu indikadoris di saúdi, inkluindu rizultadus di nasimentu, asma, diabeti, ipertenson, y otus kondison krónikus. Es segregason rasial ta rizulta na grandis diferensas na rizultadus di saúdi através di kódigu postal. Undi ki un algén ta mora tanbe ta afeta dispunibilidadi di opurtunidadis - pa idukason, abitason, enpregu, transporti, rikriason, asesu a alimentason saudável y kuidadus di saúdi - otu konsikuénsia diretu di segregason rizultanti di rasismu.

Pandemia di COVID-19 agrava danus di injustisas ki dja izistiba kauzadu pa rasismu, u ki rizulta na spozison disporsionadu, kazu di COVID-19 y maus rizultadu entri rizidentis Prétu y Latinu di Boston y danus susial y ekonómikus rilasionadus.

Justisa rasial é kriason y riforsu proativu di pulítikas, prátikas, atitudis y asons ki ta pruduzi puder ekuitativu, asesu, opurtunidadadi, tratamentu y rizultadus pa tudu algen independentimenti di rasa.

Guvernu di Sidadi di Boston sta novamenti inpenhadu na aborda inpaktu ki rasismu ten na vida di tudu nos vizinhos y modi ki é ta afeta saúdi jeral di Sidadi.

Prizidenti di Kâmara Martin J. Walsh dja manda Gabeti di Saúdi y Sirvisus Umanus ku Kumison di Saúdi Públiku di Boston y tudu dipartamentus di Sidadi pa avansa ku oitu stratéjias siginti pa konbati rasismu komu un krizi di saúdi públiku y konsikuentis injustisas di saúdi:



- Kria **solusons pulítikus pa kaba rasismu sistémiku y baréras** pa saúdi públiku através di avaliason di pulítikas atual y di utilizason di dadus pa troka mudansa de sistema.
- **Dizenvolve un planu "Saúdi di Boston Ekuidadi Gosi"** ki ta inklui objetivus klarus y metas mensurável pa aborda kauzas profundu di injustisas ki ta provoka disparidadis na rizultadus di saúdi.
- **Involve kumunidades storikamenti marjinalizadus** pa identifika problemas, solusons y apoia un risposta inpulsionadu pa kumunidade.
- Solisita un **rilatóriu públiku di dadus sobri rasa y etinia ki ta rijista injustisas di saúdi** na Boston, através di trabadja ku ôspital y Stadu di Massachusetts pa ten asesu a es informasons krítiku.
- **Analiza dadus pa midjor konprenson di interligason di fatoris susial, ambiental y konportamental** ki ta kontribui pa inpaktu di rasismu y asesu a enpregu, alimentason, abitason, trânzitu y idukason.
- Midjora **asesu a privenson y tratamentu ki é kultural y linguistikamenti konpitenti**.
- Dizenvolve sirvisus y **prugramas pa infrenta inpaktu negativu ki es injustisas ten tidu na populasons spesífikus**.
- **Adivocaciaa nível stadual y federal pulítikas y oportunidades di finansiamentu** ki ta konbate diretamenti rasismu sistémiku.

## Nos konviti

Es Pididu di Informason (RFI) é pa solisita kontributus pa oitu stratéjias di Boston pa infrenta rasismu komu un krizi di saúdi públiku. Es RFI é un di kes txeu maneras di inklui rizidentis di Boston, partikularmenti kes más afetadus pa rasismu y storikamenti marjinalizadus na tomada di disizon guvernamental. Nu sa ta pidi informasons dimográfikus komu parti di bu rispostas, pa nu pode garanti ma nu sa ta txiga na pesoas más afetadus.

Rasismu ten inpaktus mensurável, inkluintu na rendimentus, na saúdi e na interasons ku intituisons y ku governu y otus riprizenantis. Nu ta agradese bu kumentáriu sobri modi ki nu pode alkansa un Boston justu y ekuitativu en termus rasial.

Nu ta konvida-bu a partisipa nun asenbleia virtual sobri rasismu komu krizi di saúdi públiku ki ta toma lugar na Otubru. Pa bu ser notifikadu sobri Asenbleia di Saúdi di Boston, pur favor manda un email pa [healthequity@bphc.org](mailto:healthequity@bphc.org) sobri bu interesi.

## ANEKSU 1: RISPOSTAS

**Pa Organizasons (izénplu: Baziadu na Kumunidade, Baziadu na Fé), Koligasons, Ajênsias y Negósius ki ta interaji diretamenti ô ta sirbi kumunidades storikamenti marjinalizadus:** Manda rispostas pa kes perguntas dibaxu pa [healthequity@bphc.org](mailto:healthequity@bphc.org) sobri bu vizon pa un Boston justu y ekuitativu en termus rasial. Pur favor ka bu skese di poi "RFI" na asuntu di bu email. Envius ka debe ser más ki 3 pájinas y pode ser subimetidu na **Inglês, Spanhol, Xinês tradicional, português, Somali, Kriolu Kabo Verdianu, Kriolu di Haiti y Vietnamita.**

*RFI – Vision for a Racism-Free Boston*

*Boston Public Health Commission*

Email: [healthequity@bphc.org](mailto:healthequity@bphc.org)

09.18.2020



## PRAZU PA RISPOSTAS: Kuarta -FERA, 7 DI OTUBRU DI 2020

- **Introducion (1/2 pájinas):** Pur favor, aprizenta bu organizason y populason/bairu ki bu ta sirbi através di risponde es sigintis perguntas:
  - o Nomi di bu organizason
  - o Diskreve informason jeográfiku y rasial/étiniku y dimográfiku di populason ki bu ta sirbi.
  - o Diskreve informason jeográfiku y rasial/étiniku y dimográfiku di bufuncionarius.
  - o Ki sektor ki bu organizason ten más inpaktu? (abitason, enpregu, alimentason, fé, direitus di imigrantis, ambiente, saúde mental, etc.)
  - o Kal ki é propóritu/mison di bu organizason?
  
- **Vizon (2 ½ pájinas):** Pur favor propoi bu vizon pa un Boston rasialmenti justu y ekuitativu, através di risponde un ô más perguntas di baxu.
  - o Modi ki ta seria un Boston ekuitativu y justu?
  - o Ki trabadju ki bu sa ta faze pa infrenta rasismu komu un krizi di saúde públiku?
  - o Ki trabadju ki bu ta propio pa aborda oitu stratéjias difinidu pa prizidenti di Kámara Martin J. Walsh pa konbate rasismu komu un krizi di saúde públiku? (Aneksu 2)
  - o Falta algun kuza na kes oitu stratéjia inumeradu di riba ki é nesésariu pa konbati rasismu komu un krizi di saúde públiku?
  - o Ki oportunitadis ki bu ta odja na bu trabadju ki colaborason ku BPHC y Sidadi di Boston?

**Pa Rizidentis Individual:** Partilha bu ideias y spiriénsia na un formuláriu online nun des línguas: [Inglês](#), [Spanhol](#), [Xinês tradicional](#), [Português](#), [Somali](#), [Kriolu Kabu Verdianu](#), [Kriolu di Haiti](#) y [Vietnamita](#). **Organizasons** – pur favor manda es formuláriu pa bu menbrus pa garanti ma nu obi un grandi variedadi di rizidentis di Boston.

## PRAZU PA RISPOSTAS: Kuarta -FERA, 7 DI OTUBRU DI 2020

[ANEKSU 2: Dispaxu Izekutivu di Prizidenti di Kámara Martin J. Walsh ki ta Diklara Rasismu un Imeriénsia y Krizi di Saúde Públiku na Sidadi di Boston](#)